



Broj: 03-16-8-1179-29/15
Sarajevo, 13.4.2016.

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama ("Službeni glasnik BiH", broj 39/14) i Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08) na preporuku Komisije za nabavke iz Zapisnika o pregledu i ocjeni ponuda za Lot 2. Nabavka tonera, broj: 03-16-8-1179-28/15, od 24.3.2016. u postupku nabavke kancelarijskog materijala i tonera za potrebe Parlamentarne skupštine Bosne i Hercegovine, Kolegij Sekretarijata Parlamentarne skupštine Bosne i Hercegovine, donio je

ODLUKU O IZBORU NAJPOVOLJNIJEG PONUDAČA

I.

Prihvata se preporuka Komisije za nabavke iz Zapisnika o pregledu i ocjeni ponuda broj: 03-16-8-1179-28/15, od 24.3.2016. i Okvirni sporazum za period od 24 mjeseca, za Lot 2. - Nabavka tonera u postupku nabavke kancelarijskog materijala i tonera za potrebe Parlamentarne skupštine BiH, dodjeljuje se jedinom prihvatljivom ponuđaču PRIMAPROM d.o.o. Banja Luka, čija ukupna cijena ponude za predmetnu nabavku bez datog popusta sa uračunatim PDV-om iznosi 99.497,97 KM, a bez uračunatog PDV-a iznosi 85.041,00 KM.

II.

(1) Izabrani ponuđač za Lot 2. dužan je dostaviti dokaze o kvalificiranosti u pogledu lične sposobnosti i ekonomsko-finansijske sposobnosti u roku od pet dana od dana prijema obavještenja o izboru najpovoljnijeg ponuđača, a prema tačkama 12.2. i 12.3. tenderske dokumentacije za nabavku kancelarijskog materijala i tonera za potrebe Parlamentarne skupštine Bosne i Hercegovine, broj: 03-16-8-1179-6/15, od 26.11.2015. i broj: 03-16-8-1179-9/15, od 11.12.2015.

(2) U slučaju da izabrani ponuđač propusti u navedenom roku dostaviti dokaze o kvalificiranosti iz stava (1) dio II. ove Odluke ili dostavi dokaze suprotno članu 72. stav (3) tačka a) Zakona o javnim nabavkama, ova Odluka o izboru najpovoljnijeg ponuđača će se poništiti.

III.

Prijedlog Okvirnog sporazuma za Lot 2. Nabavka tonera dostavit će se na potpis izabranom ponuđaču po isteku roka od 15 (petnaest) dana, računajući od dana kada su ponuđači obavješteni o izboru najpovoljnijeg ponuđača pod uslovom da žalba nije uložena i nakon prethodno pribavljenog mišljenja Pravobranilaštva BiH.

IV.

Ova odluka objavit će se na web stranici ugovornog organa www.parlament.ba, istovremeno sa upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

V.

Ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o nabavci kancelarijskog materijala i tonera za potrebe Parlamentarne skupštine Bosne i Hercegovine, broj: 03-16-8-1179/15, od 11.9.2015. Ukupna procijenjena vrijednost nabavke iznosila je 150.000,00 KM sa PDV-om. Javna nabavka provedena je putem otvorenog postupka nabavke. Predmet nabavke podijeljen je na dva lota i to: Lot 1. Nabavka papira i kancelarijskog materijala i Lot 2. Nabavka tonera. Procijenjena vrijednost nabavke za Lot 2. Nabavka tonera iznosila je 80.000,00 KM sa uračunatim PDV-om za period trajanja Okvirnog sporazuma od 24 mjeseca. Obavještenje o nabavci broj: 166-1-1-16-3-7/15 objavljeno je dana 26.11.2015. na Portalu javnih nabavki, a u "Službenom glasniku BiH", broj 93/15, dana 7.12.2015. Komisija za nabavke imenovana je Odlukom Kolegija Sekretarijata, broj: 03-34-1-1157/15, od 3.9.2015.

Do termina zakazanog za predaju ponuda odnosno do 17.12.2015. za Lot 2. Nabavka tonera pristigle su ukupno dvije ponude ponuđača i to:

1. PRIMAPROM d.o.o. Banja Luka, ul. Vidovdanska bb, 78 000 Banja Luka
2. R&S d.o.o. Sarajevo, ul. Igmanska bb, 71320 Vogošća

Komisija za nabavke je izvršila javno otvaranje ponuda i evaluaciju istih, o čemu je sastavljen Zapisnik o pregledu i ocjeni ponuda, broj: 03-16-8-1179-28/15, od 24.3.2016. sa preporukom o izboru najpovoljnijeg ponuđača. Zapisnikom je konstatovano da ponuda ponuđača R&S d.o.o. Sarajevo ne ispunjava jedan od propisanih uslova iz profesionalne i tehničke sposobnosti ponuđača na način predviđen tenderskom dokumentacijom, jer je **u dostavljenoj kataloškoj dokumentaciji umjesto Tonera za Epson TM-T88V pod rednim brojem 12. tehničke specifikacije ponuđena Ading rola termo 57mm*30m, zbog čega je ponuda neprihvatljiva za ugovorni organ.**

Takođe je konstatovano da ponuda ponuđača PRIMAPROM d.o.o. Banja Luka ispunjava sve formalno pravne i tehničke uslove, odnosno zahtjeve ugovornog organa, dok je u pogledu činjenice da ukupna cijena njegove ponude sa uračunatim PDV-om bez datog popusta prelazi procijenjenu vrijednost nabavke za Lot 2., Komisija od Sektora za finansije Sekretarijata Parlamentarne skupštine BiH, dopisom broj: 03-16-8-1179-25/15, od 10.2.2016. zatražila mišljenje o mogućnosti obezbjeđenja dodatnih novčanih sredstava za realizaciju ove nabavke, a pozitivno mišljenje dobila dana 23.3.2016. Nakon pribavljenog mišljenja konstatovano je da je ponuda PRIMAPROM d.o.o. Banja Luka u potpunosti **prihvatljiva za ugovorni organu** za realizaciju postupka nabavke za Lot 2. Nabavka tonera.

Zapisnikom je konstatovano i to da su oba ponuđača produžili važenje svojih ponuda do 16.4.2016. u skladu s članom 60. stav (2) Zakona o javnim nabavkama, a navedene su i pojedini žalbenih postupaka.

Polazeći od gore navedenih činjenica, procedura vrednovanja i rangiranja prihvatljivih ponuda shodno utvrđenom kriteriju „najniža cijena“ nije bila moguća, jer je samo jedna ponuda ostala prihvatljiva za ugovorni organ, što je Komisija konstatovala kako slijedi

Lot 2. Nabavka tonera		
Ponuđač	Ukupna cijena ponude za predmetnu nabavku bez datog popusta sa uračunatim PDV-om	Rang
PRIMAPROM d.o.o. Banja Luka	99.497.97 KM	1 (prvi)

Shodno navedenom, Komisija za nabavke preporučila je Kolegiju Sekretarijata (Zapisnik, broj: 03-16-8-1179-28/15, od 24.3.2016. u prilogu), da u postupku nabavke kancelarijskog materijala i tonera za potrebe Parlamentarne skupštine BiH, za Lot 2. Nabavka tonera, donese Odluku o izboru najpovoljnijeg ponuđača za jedinog prihvatljivog ponuđača PRIMAPROM d.o.o. Banja Luka, čija ukupna cijena ponude za predmetnu nabavku bez datog popusta sa uračunatim PDV-om iznosi 99.497,97 KM (slovima: devedesetdevećiljadčetiristinedevedesetsedam i 97/100 konvertibilnihmaraka), a bez uračunatog PDV-a iznosi 85.041,00 KM (slovima: osamdesetpethiljadačetredesetjednakonvertibilnamarka).

Kolegij Sekretarijata Parlamentarne skupštine Bosne i Hercegovine prihvatio je preporuku Komisije za nabavke da jedinog prihvatljivog ponuđača PRIMAPROM d.o.o. Banja Luka izabere za realizaciju Lota 2. Nabavka tonera u postupku nabavke kancelarijskog materijala i tonera za potrebe Parlamentarne skupštine Bosne i Hercegovine putem Okvirnog sporazuma za period od 24 mjeseca, te odlučio kao u dispozitivu odluke.

Pravna pouka:

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u tri originalna primjerka, najkasnije u roku od 10 dana od dana prijema ove Odluke.

Dostavljeno:

- R&S d.o.o. Sarajevo, ul. Igmanska bb, 71320 Vogošća
- PRIMAPROM d.o.o. Banja Luka, ul. Vidovdanska bb, 78 000 Banja Luka
- Sektoru za finansije
- sekretaru Komisije za nabavke Muhamedi Humačkić
- a/a

KOLEGIJ SEKRETARIJATA:

Aida Koristović _____

Bojan Ninković _____

Marin Vukoja _____